

## ZUIAKO UDALERRIAN KIROLARI GAZTEEI ETA DESGAITASUNA DUTEN KIROLARIEI ZUZENDUTAKO DIRULAGUNTZEN OINARRI ARAUTZAILEAK, 2024. URTEA

### 1. Helburua eta xedea

Deialdi honek arautzen du Zuiako 24 urtetatik beherako kirolarien eta edozein motatako ezgaitasunen bat duten kirolarien artean, kasu honetan, adin mugarik gabe, laguntzak ematea, norgehiagoka araubidean, baldin eta lehiaketa ofizialetan, nazionaletan zein nazioartekoetan, nabarmendu badira kirol federatuak dakarren kostu ekonomikoa arinduz.

### 2. Aurrekontu-kreditua

2024ko aurrekontuan, bada 341.481.090 zenbakiko gastu-partida, 5.000,00 eurotakoa, kirolari promesen laguntzetarako, 2023/2024 denboraldian edo pareko denboraldian, kasu bakoitzeko kirol diziplinaren arabera.

### 3. Onuradunak

Deialdi honen bidez ematen diren dirulaguntzen onuradun izateko aukera izango dute baldintza hauek betetzen dituzten pertsonak:

1. Kirolari ez profesionala izatea eta deialdiaren xede den denboraldirako (2023/2024 denboraldia edo 2024. urtea) indarrean dagoen federazio-lizentzia izatea. Lizentzia hori dagokion kirol-modalitateko Arabako federazioak izapidetuko du, edo Zuiako udalerrian egoitza duen eta Euskal Autonomia Erkidegoko Kirol Erakundearen Erregistroan erregistratuta dagoen kirol-klub edo erakunde batek.

Hala eta guztiz ere, eskatzaileek, aldi baterako eta ezinbestean, Arabako Lurralde Historikoetatik kanpoko kirol-federazio batean lizentzia lortu behar badute, baldintza hori bete ezean ezingo baitute beren kirol-hobekuntza garatu, atal honetako aurreko paragrafoan ezarritako betekizunetik salbuetsi ahal izango dira, alde zuzenetik justifikazio-idazkia aurkeztuta.

2. Zuiako udal-eroldan izena emanda egotea, gutxienez urtebeteko antzintasunarekin, deialdia argitaratzen denetik.

Erroldatuta egoteko betebeharretik salbuetsita egongo dira genero-indarkeriaren biktimak. Eskatzaileek lehentasuna izango dute gainerakoen aldean eta ez da inola ere laguntza hainbanatuko. Horretarako, izaera hori egiaztatu beharko da kondena-epaiaren bidez, biktima babes-teko aginduaren bidez eta, salbuespen gisa, ministerio fiskalaren txostenaren bidez. Txosten horretan adieraziko daemandatzailea genero-indarkeriaren biktima dela adierazten duten zantzuak daudela babes-agindua eman arte.

3. Deialdiaren urteko abenduaren 31n, gehienez, 24 urte beteta ez izatea. Adin-mugarik gabe, desgaitasuna duten kirolarien kasuan.

4. Onuraduna izatea debekatzen duten inguruabarretako batean ere ez egotea, Dirulaguntzei buruzko azaroaren 17ko 38/2003 Lege Orokorren 13.2 artikuluan aurreikusita bezala.

5. Zehapen irmorik ez betetzea dopinari buruzko kirol-arloko diziplina edo administrazio arloko arau-hausteagatik, edo sexuagatiko bereizkeria eragiten duten indarkeriazko ekintza eta jokabide arrazista eta xenofoboengatik.

6. Mota horretako laguntzak jaso ahal izango dituzte Arabako Foru Aldundiak 2024rako promesatzen kalifikatu dituen kirolariek, baldin eta aldi horretan izendapena jasotzeko arrazoi izan ziren kirol-jarduerari eusten badiote.

### 4. Eskabideak eta aurkeztu beharreko agiria

Eskabidea, ereduaren arabera, Zuiako Udaleko sarrera-erregistroan edo Administrazio Publikoaren Administrazio Prozedura Erkidearen urriaren 1eko 39/2015 Legean adierazitako edozein bitartekoren bidez aurkeztu beharko da, honako dokumentazio honekin batera:

– Pertsonaren edo bere legezko ordezkariaren NANA, adingabea bada. Eskatzailetzat hartuko dira 14 urtetatik beherakoak edo tutoretzapean daudenak, aita, ama, tutorea, izatezko zaintzailea edo ikaslearen legezko arduraduna.

– Laguntza lortuz gero, diru-sarrera egiteko banku-kontuaren zenbakia.

– Kasuan kasuko federazioaren ziurtagiria, lehiaketa ofizialetan deialdi honek bere hartan hartzen duen denbora-tartean lortutako emaitzei buruzko (I. eranskina). Dokumentu honek, halaber, desgaitasuna duen kirolariaren izaera egiaztatzeko balioko du, eta onuraduna salbuetsiko du lege honetako Deialdi honen 3.3 artikuluan ezarritako adin-muga betetzetik.

– Udalaz gain beste dirulaguntzarik baden ala ez egiaztatzen duen zinpeko aitortpena. Halakorik badago, erakundea eta zenbatekoa adieraziko dira. (II. eranskina).

Dirulaguntzaren eskabidea aurkeztearekin batera, eskatzaileak baimena emango dio organo eskudunari deialdian zehazten diren dokumentuak zuzenean eskuratzeko, salbu eta horretarako baimena berariaz ukatzen badu; orduan, agiri horiek aurkeztu beharko ditu. Halaber, Udalari baimena ematen dio kasuan kasuko administrazioei eskatzeko dirulaguntzaren eskatzaileak zerga-betebeharrak eta Gizarte Segurantzarekikoak betetzen dituela, datu horiek beharrezkoak baitira dirulaguntza lortzeko, jasotzeko eta mantentzeko ezarritako baldintzak betetzen dituela egiaztatzeko.

#### **5. Onuradunaren betebeharrak**

Dirulaguntzei buruzko Legean eta gainerako arautegi aplikagarrian jasotako betebeharrak orokorrak alde batera utzita, honako hauek izango dira deialdi honetan araututako dirulaguntzen onuradunen betebeharrak:

– Helburu bererako beste dirulaguntza edo laguntza batzuk lortu izanaren berri ematea udalari, beste administrazio, organismo edo erakunde publiko batzuetatik helburu bererako beste dirulaguntza edo laguntza batzuk lortu diren ala ez adierazten duen zinpeko aitortpenaren bidez. Beste dirulaguntzaren bat lortuz gero, lortutako zenbatekoa eta dirulaguntza eman duen administrazioa adierazi beharko dira, eta datu horiek egiazkoak direla egiaztatzen duen egiaztagiria aurkeztu beharko da.

– Onuradunei dagokien familia-unitatea Zuiako Udalarekiko, ogasunarekiko eta Gizarte Segurantzarekiko zerga-betebeharrak egunean izatea.

– Laguntzaren gastua zuzen eta egoki egitea, eman zen helburuetarako.

– Dirulaguntza ematen duen organoak egin beharreko egiaztatze, jarraipen eta ikuskapen-jarduerak onartzea.

– Jasotako funtsak itzultzea, Dirulaguntzei buruzko Lege Orokorrean aipatzen diren itzulketa arazoak tartean direnean.

– Laguntza honen publizitatea egitea kirolari bakoitzak eskura dituen baliabideetan.

– Udalak proposa diezazkiekeen jardueretan parte hartzea, Zuiako gizartean kirola eta bizi ohitura osasungarriekiko kontzientzia zabaltzeko.

#### **6. Aurkezpena eta epea**

Eskabideak aurkezteko epea 2024ko azaroaren azken egun balioudunean amaituko da. Eskatutako dokumentazio guztia Zuiako Udalaren bulegoetan aurkeztu beharko da.

#### **7. Balioespen irizpideak**

Zuiako Udalak dirulaguntzak banatuko ditu deialdi honetan eskatzen diren baldintzak betetzen dituzten kirolarien artean, dirulaguntzak emateko irizpide objektibo hauei dagokienez:

A Taldea: Nazioarteko kirolariak, zein bere federazioaren deialdiaren bidez:

A.1	Olinpiadetan, paralinpiadetan, munduko txapelketetan, Europako txapelketetan, Mediterraneoko Jokoetan edo (kirol olinpikoen elkarrean / kirol objektibo paralinpikoari laguntza) beketan parte hartzea	125 puntu
A.2	Beste maila batzuetako txapelketa ofizialetan parte hartzea	100 puntu

B Taldea: Euskadi Autonomia Erkidegoko eta estatuko txapelketetako parte hartzaileak:

Atal honetan, kategoria eta neguko eta udako modalitateko txapelketa ofizialetan lortutako emaitzak baino ez dira baliozkoak izango deialdi honetarako; ez dira baliozkoak izango federazioek (unibertsitarioak, etab.) antolatutako gainerako txapelketetan lortutako emaitzak.

B.1	Norbanakoen partaidetzako espezialitateak:	
B.1.1	Banakako Espainiako txapelketako dominaduna	80 puntu
B.1.2	Espainiako txapelketan banaka parte hartzen dutenak edo dagokion federazioak Espainiako txapelketarako autonomia-erkidegoka hautatzen dituenak	64 puntu
B.2	Taldeakoen partaidetzako espezialitateak:	
B.2.1	Espainiako dominaduna selekzio autonomikoarekin	80 puntu
B.2.2	Espainiako txapelketa ofizialetan parte hartzea selekzio autonomikoarekin	64 puntu
B.2.3	Nazioarteko txapelketa ofizialetan parte hartzea espainiako selekzioarekin	100 puntu

Kirolariek lortutako baremo handienari dagokion laguntza jasoko dute soilik, ezin batuz atal desberdinetako puntuazioak.

Gutxienero parte-hartzerik edo aurretiazko hautaketarik eskatzen ez duten Espainiako txapelketetan, eta 5 kirolari baino gutxiagoko parte-hartzea duten txapelketetan, ehuneko 20a gutxiago baloratu ahal izango dira.

Dirulaguntzak emateko, baremo hau aplikatuko da:

PUNTUAZIOA	ZENBATEKOA
125 puntu	1.000 €
100 puntu	700 €
80 puntu	500 €
64 puntu	350 €
51 eta 63 puntu artean	200 €

Deialdi honetara bideratutako kreditua ez badator bat proposatutako eskabide guztien zenbateko osoarekin, baldin eta gutxienez 51 puntu lortu badituzte (goitik edo behetik), koefiziente zuzentzaile bat aplikatu ahal izango da, formula honen arabera:

$$(a/b) \times c = d$$

Non:

a = deialdiaren kreditua.

b = baloratutako eskabide guztiei puntuazio-baremoa aplikatuz ateratzen diren kopuruen batura.

c = baloratutako eskabide bakoitzari puntuazio-baremoa aplikatuta ateratzen den kopurua.

d = eskabide bakoitzari eman beharreko zenbatekoa.

Koefiziente zuzentzaile hori aplikatu ondoren, ateratzen diren kopuruak behar bezala biribildu daitezke, gertuen dagoen 5eko multiploraino.

## 8. Ebazteko eskumena duen organoa

Dirulaguntza emateko eskumena alkate-udalburuak izango du, dagokion informazio-batzordeak txostena egin ondoren.

### 9. Diruz lagun daitezkeen gastuak

Laguntza horiek bateragarriak dira administrazioek edo erakundeek helburu berarekin edo antzekoarekin eman ditzaketen beste laguntza batzuekin.

Deialdi honetan aurreikusitako ondorioetarako, kirol-jarduerarekin zerikusia duten guztiak joko dira diruz lagun daitezkeen gastutzat: klubei ordaindutako kuotak, kirol-lizentzia, jantziak eta kirol-materiala, lehiaketa eta entrenamenduetarako joan-etorrien eta ostatuen gastuak, profesionalen zerbitzuak ematea, eta, hala badagokio, kirolariaren desgaitasunaren ondoriozko gastu espezifikoak (protesiak, gurpil-aulkiak, etab.), betiere kirol-jarduerarekin zuzenean lotuta badaude eta gastua justifikazio-aldia amaitu aurretik ordaindu bada.

### 10. Justifikazioa eta ordainketa

Dirulaguntza eskatzeko aurkeztutako aurrekontuak dakarren gastu osoa justifikatu beharko da.

Gastua justifikatzeko, fakturak eta pareko froga-balioa duten beste dokumentu batzuk aurkeztu beharko dira, trafikiko juridikoan, merkataritzakoan edo administrazio-eraginkortasunarekin (IV. eranskina). Faktura elektronikoen bidez ere egin ahal izango da, betiere zerga-arloan onartzeko eskatzen diren baldintzak betetzen baditu.

Nolanahi ere, ordainketak egiaztatzeko agiriak ere aurkeztu beharko dira.

Dirulaguntza ordainketa bakarrean ordainduko da, eskabidearekin batera eskatutako dokumentazioa aurkeztu eta eskabideak aurkezteko epea amaitu ondoren.

### 11. Ez-betetzea eta itzultzeko prozedura

Onuradunek dirulaguntza emateko ezarritako baldintzak betetzen ez badituzte, eta aurkeztu behar dituzten datuak eta dokumentuak faltsutu eta ezkututzen badituzte, dirulaguntza ezeztatu egingo da eta, hala badagokio, behar ez bezala ordaindutako zenbatekoak itzuli egingo dira.

Oinarri hauetan aurreikusi ez den guztirako, Zuiako Udalaren dirulaguntzak eta laguntzak ematea arautzen duen ordenantzan xedatutakoari jarraituko zaio.

## EUSKARA IKASTEKO 2024KO DIRULAGUNTZAK ARAUTZEN DITUZTEN OINARRIAK

### 1. Xedea

Zuiako Udalak bertan erroldatutako jendeari 2024an eman beharreko diru-laguntzak arautzea du helburu deialdi honek; diru-laguntza horiek jarraian adierazten den edozein ikasketa egiteko dira.

– Euskaltegietan edo HABEk homologatuetako zentroetan egindako ikastaroak (2023eko urriaren 1etik 2024ko irailaren 30era arte).

– Ikastaroak barnetegi homologatuetan, 2024an.

### 2. Onuradunak

Deialdi honetako diru-laguntzak ondoko baldintzak betetzen dituzten 16 urtetik gorako pertsonentzat dira: Zuiako udalerrian errol-datuta egotea ikastaroa hasi baino urtebete lehenagotik, gutxienez, eta beretan erroldatuta egotea ikastaroa amaitu arte.

### 3. Eskaerak eta aurkeztu beharreko agiriak

Eskaerarekin batera agiri hauek aurkeztu behar dira:

– Ikastaroko matrikula ordaindu delako frogagiria (jatorrizkoa).

– Euskaltegiaren edo barnetegiaren ziurtagiria; bertan, interesdunak egin dituen eta gainditu dituen mailak agertuko dira, bai eta aprobetxamendua eta asistentzia ere; era berean, zentroak emandako orduak eta ikasleak jasotakoak adierazi behar dira.